

經部

欽定四庫全書

左傅事緯卷一 經部

詳校官監察御史臣周元良 給事中且温常殺覆勘

校對官中書臣袁文即 總校官原任中九日王 燕緒 謄録監生日趙鳴泉

たとコニーへいう 一 欽定四庫全書 左傳事緯 提要 國朝馬騙撰騙字聽御又字宛斯鄉平人順治 首載晉杜預唐孔穎達序論及自作邱 是書取左傳事類分為百有八篇篇加論斷 已亥進士官淮安府推官終於靈璧縣知縣 等謹案左傳事緝十二卷前集八卷 左件事群 經部 春秋類 <u>F</u>. 明小

とうし 傳 傳聞記載頗謬而義例則多有師承朱子語 内地與有說無圖益未成也王士禎池北 真而褒贬則多参俗議公羊穀梁二家得自 偶未見數三傳之中左氏親觀國史事迹為 諸書與此本並同惟無字奇及事緯宜士禎 名氏譜一卷左傳字奇一卷合事緝二十卷 稱其博雅嗜古尤精春秋左氏學載所者 卷辨例三卷圖表一卷覽左隨筆 提要 偶

.... 遠矣乾隆四十四年六月恭校上 考證精詳可以知專門之學與涉獵者相去 能融會貫通故所論具有條理其圖表亦皆 在公穀之上是亦偏好之言然騙於左氏實 而事謬益為也關作是書必謂在氏義例 録謂左氏史學事詳而理差公穀經學理精 左門事章 總 總管官臣紀的臣陸錫熊臣孫士毅 校 官 臣 陸 Ξ 費 墀

				金次中屋石雪
				提委
t.			-	

仲曰都城過百雄國之害也先王之制大都不過參國 武公外許及在公即佐為之請制公曰制嚴己 叔死焉他邑难命請京使居之謂之京城大叔祭 权贬之乱 民故名曰寤生遂惡之愛共叔段欲立之亟 白武姜生莊公及共叔段莊 靈璧知縣馬騙撰

金定正十全書 公口姜氏欲之馬辟害對曰姜氏何厭之有不如早爲 自及大叔又収貳以爲已邑至于康延子封曰可矣厚 乎公曰多行不義必自斃子姑待之既而大叔命西鄙 之所無使滋蔓蔓難圖也蔓草猶不可除况君之罷第 之一中五之一小九之一今京不度非制也君将不堪 将得衆公曰不義不暱厚將崩大叔完聚繕甲兵具卒 叔臣請事之若弗與則請除之無生民心公曰無庸將 北部 貳於已公子呂曰國不堪貳君將若之何欲與大

二百乘以伐京京叛大叔段段入于郡公伐諸郡五月 辛丑大叔出奔共書曰鄭伯克段于鄢段不第故不言 乘將襲鄭夫人將啓之公聞其期曰可矣命子封帥車 奔難之也遂寘姜氏于城賴而誓之曰不及黃泉無相 第如二君故曰克稱鄭伯譏失敖也謂之鄭志不言出 賜之食食舍內公問之對曰小人有母皆當小人之食 見也既而悔之賴考权為賴谷封人聞之有獻於公公 矣未嘗君之羹請以遺之公曰爾有母遺緊我獨無類 Z 2.10 1 2.41 左傳事緯

及莊公詩曰孝子不置永錫爾類其是之謂乎鄭共叔 賦大隧之中其樂也融融姜出而賦大隧之外其樂也 考叔曰敢問何謂也公語之故且告之悔對曰君何患 往公弗許遂行及邾人鄭人盟于翼不書非公命也 師號師代衛南鄙請師于都都子使私於公子豫豫請 之亂公孫滑出奔衛衛人為之伐鄭取廩延鄭人以王 沒洩遂爲母子如初君子曰頹考叔純孝也愛其母施 馬若闕地及泉隧而相見其誰曰不然公從之公入而

金ケロアノニー

表

年鄭人伐衛討公孫滑之亂也 V. 17. 3 J. 1. 17 田之篇曰叔善射忌又良御忌段不過一馳馬試劒 處大都以騎其志吾以蔽罪焉當讀詩至鄭風叔于 段姜氏所愛也姜之所愛莊滋不能容矣與之制則 黄泉之誓不幾千古罪人哉夫寤生姜氏所惡也叔 之公子耳非如晉曲沃之能病翼楚蔡公之能害靈 曰巖邑懼其恃險而難制也與之京則使居之庶乎 余觀鄭伯城顏真姜人道絕矣弟之不才母氏奚尤 左傳事庫

金定四庫全小百 鄭君母於姜足矣亦復何求而啓弟弑兄事之未集 殺欲加之罪何患無辭於以正告天下則曰段將襲 深圖當不輕舉取禍如是也鄭伯處心積慮以成其 殿謀先漏處京而京人叛奔 郡而郡不保使能母子 道其衰矣或父子相夷兄弟相滅又寧止一鄭伯也 我也姜將啟段也在段之餬口四方尚幸不殺之福 王也且以莊段同母之子以武姜論之處鄭國而為 在莊之按兵未動先邀愛第之名嗚呼春秋之際周

禄過也將立州吁乃定之矣若猶未也階之爲禍夫寵 娣戴媽生桓公莊姜以為已子公子州吁嬖人之子也 衛人所為賦碩人也又娶于陳曰厲媽生孝伯早死其 降三衛莊公娶于齊東宮得臣之妹曰莊姜美而無子 とのころこと 之以義方弗納於邪驕奢淫決所自邪也四者之來寵 有寵而好兵公弗禁莊姜惡之石暗諫曰臣聞愛子教 哉 衛州吁之亂 左傅事舞

金定匹庫全書 求竈於諸侯以和其民使告於宋曰君若伐鄭以除君 逆所以速禍也君人者將禍是務去而速之無乃不可 妨貴少陵長遠問親新間舊小加大淫破義所謂六逆 而不驕驕而能降降而不憾憾而能盼者鮮矣且夫賤 奔鄭鄭人欲納之及衛州吁立將修先君之怨於鄭而 年春衛州吁弒桓公而立宋陽公之即位也公子馮出 少 弗聽其子厚與州吁游禁之不可桓公立乃老 也君義臣行父慈子孝兄愛弟敬所謂六順也去順效 卷一 四

吁阻兵而安忍阻兵無衆安忍無親衆叛親離難以濟 其民於是乎不務令德而欲以亂成必不免矣秋諸侯 矣夫兵猶火也弗戰將自焚也夫州吁弑其君而虐用 其東門五日而還公問於泉仲曰衛州吁其成乎對曰 之於是陳蔡方睦於衛故宋公陳侯蔡人衛人伐鄭圍 害君為主散邑以賦與陳蔡從則衛國之願也宋人許 היותו ליותום 復伐鄭宋公使來乞師公辭之羽父請以師會之公弗 臣聞以德和民不聞以亂以亂猶治絲而梦之也夫州 左傳事績

兵取其禾而還州吁未能和其民厚問定君於石子石 許固請而行故書回暈帥師疾之也諸侯之師敗鄭徒 于陳君子曰石碏紀臣也惡州吁而厚與焉大義滅親 右牢醜泣殺州吁于濮石碏使其宰孺羊肩泣殺石厚 **弑寡君敢即圖之陳人執之而請治於衛九月衛人使** 告于陳日衛國福小老夫耄矣無能為也此二人者實 衛方陸若朝陳使請必可得也厚從州吁如陳石碏使 子曰王覲為可曰何以得覲曰陳桓公方有寵於王陳

不盟也 其是之謂乎衛人逆公子晉于邢冬十二月宣公即位 TAND SE MAND **越人侵衛故衛師入**鄉 敗熊師于北制君子曰不備不虞不可以師衛之亂也 後熊人畏鄭三軍而不虞制人六月鄭二公子以制人 足原繁洩駕以三軍軍其前使曼伯與子元潜軍軍其 月鄭人侵衛收以報東門之役衛人以熊師伐鄭鄭祭 書曰衛人立晉衆也 左傳事旗 **華夏葬衛桓公衛亂是以緩四** 年 夏齊侯衛侯胥命于清

康叔之烈至此中衰與莊公外退賢者内惠嬖庶綠 衛自莊公以远惠懿蓋數世未寧也而至于滅亡豈 隱四年春書日衛州吁弑其君完衛無君矣而兩書 立亂之來也其何日之有桓立十有三年而入春秋 衣賦于上而夫人憂碩人作于下而國人怒桓公雖 逆之子輒能連師動衆汰然稱雄豈大惡未昭抑厥 於是乎平陳與宋踴躍與師東門之役四國偕作篡 伐鄭人嗟行役之勞家賦擊鼓之篇則州吁爲之也

2/2. Jon 1 2. 11 楚度之好武喜事宋殤公之十年十一戰也怒識之 況乎竊國八月而師徒兩警使其在位日久當不止 勞民而怨誹交作其故何哉蓋試立之主衆其爲用 先君之讎可復斯民之賊可除讀春秋至此曰猶有 聲內外交起燕燕飛而戴媽悲終風霾而莊姜怒民 罪未稔耶余考當日圍鄭之師僅五日耳未至曠日 天道焉獨是弑立之事何國蔑有臣非石子國無陳 曰曷丧母嘆無歸吁也雖生死之久矣幸有純臣而 左傳事群

金いしていんとうも 以先登子都自下射之顛瑕政盈又以發弧登周麾而 齊侯鄭伯伐許庚辰傅于許賴考叔取鄭伯之旗登弧 走子都拔棘以逐之及大達弗及子都怒秋七月公會 辰授兵于大宮公孫閼與頹考叔争車頹考叔换斬以 一年夏公會鄭伯于那謀代許也鄭伯將伐許五月甲 桓夫亦重可哀已 鄭莊入許

呼曰君登矣鄭師畢登壬午遂入許許莊公奔衛齊侯

禍于許無寧兹許公復奉其社稷唯我鄭國之有請謁 也吾將使獲也佐吾子若寡人得没于地天其以禮悔 於四方其況能久有許乎吾子其奉許叔以撫柔此民 以許讓公公曰君謂許不共故從君討之許旣伏其罪 其敢以許自爲功乎寡人有弟不能和協而使餬其口 許君而假手于我寡人寡人唯是一二父兄不能共億 百里奉許叔以居許東偏曰天禍許國鬼神實不逞于 矣雖君有命寡人弗敢與聞乃與鄭人鄭伯使許大夫 COLUMN TO THE STATE OF THE STAT , 左傳事緯

金ケロアノノ 於許我死乃亟去之吾先君新邑於此王室而旣早矣 周之子孫日失其序夫許大岳之角也天而旣厭周德 吾圉也乃使公孫獲處許西偏曰凡而器用財賄無寘 與我鄭國爭此土也吾子孫其覆亡之不暇而況能種 馬如舊唇媾其能降以相從也無滋他族實個處此以 國家定社程序民人利後嗣者也許無刑而伐之服而 矣吾其能與許爭乎君子謂鄭莊公於是乎有禮禮經 祀許乎寡人之使吾子處此不唯許國之爲亦聊以固 表

政又無威刑是以及邪邪而詛之將何益矣 君子謂鄭莊公失政刑矣政以治民刑以正邪旣無德 謂知禮矣鄭伯使卒出獨行出犬難以詛射賴考叔者 叔入于許公會齊侯于义謀定許也 舍之度德而處之量力而行之相時而動無累後人可 甚哉左氏之輕子也入春秋初鄭莊殭暴實曰首惡 小伯亦聽鄭志炎帝之祀幾絕文叔之封失守許亦 而傳中稱之不置抑過矣入許之役宗國是從齊信 左俯事轉 五桓年許

處之東偏又使獲制之也齊會遠處東海即滅許而 相接在所必爭莊公利其土地會称蓄謀大官授兵 縣之亦未能踰曹涉衛而有茲土則入許誠以利鄭 之實故外為甘言以欺二國而内則攘之不然胡以 其計已成謂直取之則任滅國之名置之復無自利 固如是敷旣已分許求利後人孰知身沒而忽突交 也陰收其利而又以爲名莊公之許至矣度德量力 國胡為而蒙不共之名越在偏鄙也哉鄭許壤地

金りせんと

惠公元妃孟子孟子卒繼室以聲子生隱公宋武公生 克也未王命故不書爵曰儀父贵之也公攝位而欲求 周正月不書即位攝也三月公及邾儀父盟于蔑邾子 我生桓公而惠公薨是以隱公立而奉之 仲子仲子生而有文在其手曰爲會夫人故仲子歸於 何也 亂叔得因亂復國太岳之將猶未宜絕鄭固無如之 隱公之弑 左專事準 元年春王

諸侯五月同盟至大夫三月同位至士踰月外姻至贈 子之明緩且子氏未薨故名天子七月而葬同軌畢至 好於邾故爲蔑之盟秋七月天王使宰咺來歸惠公仲 公不與小斂故不書日 故有闕是以改葬衛倭來會葬不見公亦不書衆父奉 葬惠公公弗臨故不書惠公之薨也有宋師太子少葬 死不及尸男生不及哀豫凶事非禮也冬十月與申改 ¥夏君氏本聲子也不赴于諸侯不及哭于寢不 年司空無駭入極費序父勝

動好四岸全香 一

巷

故春苑夏苗秋彌冬狩皆於農際以講事也三年而治 物采謂之物不執不物謂之亂政亂政亟行所以敗也 納民於軌物者也故講事以度軌量謂之軌取材以章 不足以講大事其財不足以備器用則君不舉馬君將 回君氏 兵入而振旅歸而飲至以數軍實昭文章明貴賤辨等 稍于姑故不曰薨不稱夫人故不言葬不書姓爲公故 順少長習威儀也鳥獸之肉不登于俎皮革齒牙骨 五年春公将如紫觀魚者臧僖伯諫曰凡物 三年、二章

鱼厅四庫全書 士二夫舞所以節八音而行八風故自八以下公從之 於是初獻六羽始用六佾也冬十二月辛已臧僖伯本 焉公問羽數于衆仲對曰天子用八諸侯用六大夫四 失無于崇非禮也且言遠地也九月考仲子之宮將萬 吾將畧地焉遂往陳魚而觀之僖伯稱疾不從書曰公 之實器用之資皂隸之事官司之守非君所及也公曰 角毛羽不登于器则公不射古之制也若夫山林川澤 公曰叔父有憾於寡人寡人弗敢忘葬之加一等

てこうこ ここ 為公子也與鄭人戰于孤壤止馬鄭人囚諸尹氏路尹 范裘吾将老馬羽父懼及諧公于桓公而請殺之公之 鄭伯請釋泰山之祀而祀周公以泰山之枋易許田三 桓公將以求大牢公曰為其少故也吾將授之矣使營 有官族邑亦如之公命以字爲展氏 针一羽父請殺 之土而命之氏諸侯以字爲諡因以爲族官有世功則 族公問族於眾仲眾仲對曰天子建德因生以賜姓胙 月鄭伯使宛來歸材不祀泰山也無駭奉羽父請諡與 左傳事解 ナ ニ ー

志也 伯拜盟 許之三月鄭伯以璧假許田爲周公初故也夏四月丁 未公及鄭伯盟于越結材成也盟曰渝盟無享國冬鄭 年春公即位修好于鄭鄭人請復祀周公率易材田公 氏立桓公而討寫氏有死者不書葬不成喪也 祭鐘巫齊于社團館于寫氏壬辰羽父使賊稅公于寫 氏而 稿于其主鍾巫遂與尹氏歸 而立其主十一月公 + · 及都儀父盟于趙彝茂之盟也伐都宋 公桓 元

咸知惠公有子亦將以其終為君也將以讓桓則直 授之夫以十三歳之莊公與三歳之襄公皆不以弱 而不立桓也即幼又復十一年矣而濡忍不決用生 用師宋郊連兵許國直與齊僖鄭莊升駕中原國人 板隱而立之正也惠欲與桓非正也隱立十有一年 已開禍亂之端矣隱長桓幼其爲尊卑也微諸大夫 繼室有子而長國之幸也謬信手文之誣再娶夫人 禮諸侯再娶不稱夫人惠以孟子為元妃以聲子為 左傳事簿 主

護馬追鍾巫禍成蕭墻生變菟裘之營吁嗟已晚亦 臣賊子莫此為甚桓公黨惡滅倫竊居君位而如齊 終以弑隱逞志有弑一君之名而有弑二君之心亂 獨何哉羽父專命行師素無臣禮而始以殺桓求媚 啓奸雄之戎心君弑而賊不討春秋于此有遺憾焉 數載不聞敗德非鬼之祭竟來篡逆探先君之邪志 不反天道好還可不畏與獨是隱公長而且賢南面 宋殤之弑

F·惠公之季年敗宋師于黃公立而求成焉九月及 對請子奉之以主社稷寡人雖死亦無悔焉對曰羣臣 大夫之靈得保首領以沒先君若問與夷其將何辭以 宋人盟于宿始通也 次・ノコ・ノンニョー 德不讓是廢先君之舉也豈曰能賢光昭先君之令德 願奉馮也公曰不可先君以寡人爲賢使主社稷若棄 屬殤公焉曰先君舍與夷而立寡人寡人弗敢忘若以 可不務乎吾子其無廢先君之功使公子馮出居于鄭 左傳事輯 年宋穆公疾召大司馬孔父而

百禄是荷其是之謂乎冬齊鄭盟于石門每盧之盟也 命公聞其入郛也將救之問於使者曰師何及對曰未 以王師會之伐宋入其郛以報東門之役宋人使來告 取 盟未及期衛人來告亂夏公及宋公遇于清 庚戍鄭伯之車偾于濟 人矣立穆公其子饗之命以義夫商頌曰殷受命咸宜 八月庚辰宋穆公率殤公即位君子曰宋宣公可謂知 郑田邾人告於鄭曰請君釋憾于宋散邑為道鄭 年公與宋公爲會將每宿之 年宋人

ラ、full 7.1.19 | 大傳事練 宿公伐都爲宋討也 八年春齊侯將平宋衛有會期 問諸使者曰師未及國非寡人之所敢知也宋人伐鄭 人率平宋衛于鄭秋會于温盟于瓦屋以釋東門之役 宋公以幣請于衛請先相見衛侯許之故遇于犬丘齊 夷仲年來聘結义之盟也秋宋及鄭平七月庚申盟于 也夏盟于父始平於齊也秋宋人取長葛 圍長葛以報入郛之役也 六年春鄭人來渝平更成 及國公怒乃止辭使者曰君命寡人同恤社稷之難今 年齊侯使

明德 之圖以鳩其民君之惠也寡君聞命矣敢不承受君之 伯于老桃壬戌公販宋師于菅庚午鄭師入郜辛未歸 五月羽父先會齊侯鄭伯伐宋六月戊申公會齊侯鄭 王正月公會齊侯鄭伯于中丘癸丑盟于鄧爲師期夏 王命來告伐宋冬公會齊侯于防謀伐宋也 宋宋以入郛之役怨公不告命公怒絕宋使秋鄭人以 禮也冬齊侯使來告成三國公使衆仲對曰君釋三國 **私宋公不王鄭伯爲王左卿士以王命討之伐** 十年春

金りロドルノニを

平可謂正矣以王命討不庭不貪其土以勞王爵正之 猶在郊宋人衛人入鄭蔡人從之伐戴八月壬戌鄭伯 體也聚人衛人那人不會王命秋七月庚寅鄭師入郊 人入鄉討違王命也 于我庚辰鄭師入防辛已歸于我君子謂鄭莊公於是 TAND IN IL ALLE **壬戌大敗宋師以報其入鄭也宋不告命故不書凡諸** 人蔡人怒故不和而敗九月戊寅鄭伯入宋冬齊人鄭 圍戴癸亥克之取三師馬宋衛既入鄭而以伐戴召蔡 左傳事績 4一冬十月鄭伯以號師伐宋

金いしたとうち 滅不告敗勝不告克不書于策 堪命孔父嘉為司馬督為大宰故因民之不堪命先宣 成宋亂為縣故立華氏也宋殤公立十年十一戰民不 為有無君之心而後動於惡故先書弑其君會于稷以 侯有命告則書不然則否師出臧否亦如之雖及滅國 言曰司馬則然已殺孔父而越殤公召莊公于鄭而立 孔氏殺孔父而取其妻公怒督懼遂弑殤公君子以督 父之妻于路目逆而送之曰美而艷 桓元宋華父督見孔 二年春宋督攻

文也五色比象昭其物也錫鸞和鈴昭其聲也三辰旂 其度也藻率輕點點屬游纓昭其數也火龍黼嚴昭其 昭令德以示子孫是以清廟茅屋大路越席大羹不致 諫曰君人者將昭德塞違以臨照百官猶懼或失之故 之以親鄭以郜大鼎賂公齊陳鄭皆有賂故遂相宋公 旗昭其明也夫德儉而有度登降有數文物以紀之聲 **浆食不鑿昭其儉也衮見黻琪帯裳幅舄衡紞紘綖昭** 夏四月取郜大縣于宋戊申納于大廟非禮也臧哀伯 Janonian Lite 1 1/ 左傳事章

としてしてんとう 明以發之以臨照百官百官於是乎戒懼而不敢易紀 忘諫之以德 公不聽周內史聞之曰臧孫達其有後於魯乎君違不 士楢或非之而况將昭違亂之路器于大廟其岩之何 章也郜雅在廟章孰甚焉武王克商遷九罪於雄邑義 象之其又何誅馬國家之敗由官邪也官之失德寵賂 律今滅德立違而寡其駱器于大廟以明示百官百官 春秋以前曾宋有黃之師齊鄭有盧之盟會鄭有狐

2 2. 10 mar 2. 1. 1 陳蔡爲一黨五國連兵兩伐鄭國宋主其兵衛倡其 **裁鄭滑在衛宋馬在鄭寤生掛難州吁與戎東諸侯** 未平都人告病宋**釁復起一歲之内鄭宋兩報隱胡** 謀我與陳蔡悉從事於二國者也乃州吁旣誅鄭怨 年之中鄭有共叔之亂宋有子馮之偏衛有州吁之 壤之戰隱公初立首盟邾宋齊鄭尋盟其交益固四 不信因行人之失辭轉棄誓盟宋使絕而齊鄭之交 之黨樹天下始多事矣于時齊鄭爲一黨魯與宋衛 左傳事雜

來馬獨是一都也既盟茂而復伐之一宋也既遇清 我交自是入許敗周無憂東顧矣鄭之與宋仇讐己 信不固而鄭始得問之也狡爾寤生易初歸部以固 戰者何隱四年圍鄭東門一也取其禾二也五年取 深瓦屋甫平而假命討違總以償其私憾宋何不幸 而又敗之十一年之中五年黨宋六年黨鄭蓋以守 郑田三也都宋入其郛四也圍長葛五也九年鄭以 疆場日煩督懷無君巧鼓民怒曰十年十一戰十

金牙匹尼人三章

有伯夷大伯之德與識則中子立而孤竹存季歷嗣 嗚呼使與夷也賢奈何亟戰而無度使與夷也不賢 為宋穆公者曰先君舍其子而立寡人寡人亦立之 徒既愚民以自利又行賂以免禍此春秋所深病也 先君舍之已立之未聞道矣是故讓國非云易也茍 而周室昌尚無其德與識雖子郢之賢尚啓蒯報之 也鄭伯入宋十也十一年大敗宋師十一也好雄之 王命伐宋六也十年敗于菅七也入鄭八也伐戴九

J. 1 ... 1 ... 1 1

金戶正庫全 援于諸國經曰以成宋亂傳曰為賂立華自是督且 知所以處殤委馮于暴鄭以逼處此屬有鄰國攝于 争季子之貞猶開僚光之亂宋國日戰雖曰州吁惑 獨夫耳奸臣賊子因亂生心弑殤公而召子馮以求 中作獨一孔父正色立朝而流言復興殤公至此一 其間此則曰除害也彼則曰惡馮也數戰民疑亂由 世執政矣上無天子之誅下無方伯之討東諸侯咸 之吾謂必自穆公始之也況穆公知以國與殤而不

其猶可撲滅周任有言曰爲國家者見惡如農夫之務 其將能乎商書曰惡之易也如火之緣于原不可鄉獨 侯不許五父諫曰親仁善鄰國之寶也君其許鄭陳侯 可長其陳桓公之謂乎長惡不悛從自及也雖欲救之 日宋衛實難鄭何能爲遂不許君子曰善不可失惡不 受賂以相之督之流亦何憚而不弒君也哉 陳佗之亂 五月庚中鄭伯侵陳大獲往歲鄭伯請成于陳陳 左傳事舞

大子免而代之公疾病而亂作國人分散故再赴 月甲戊己丑陳侯鮑卒再赴也於是陳亂文公子佗殺 **治盟辛已及陳侯盟亦知陳之將亂也** 盟軟如忘洩伯曰五父必不免不頼盟矣鄭良佐如陳 去草焉艾夷温崇之絕其本根勿使能殖則善者信矣 明年經書蔡人殺陳佗稱殺稱名杜武庫以爲未會 諸侯然是秋從王伐鄭陳佗與焉不得謂之未會諸 4陳及鄭平十二月陳五父如鄭治盟壬申及鄭伯 松五年春正

金万匹だんといる

20) <sup>隱 "</sup>鄭武公莊公爲平王卿士王貳于號鄭伯怨王王| 寸有所長豈不信哉然而即位踰年天子不討國人 罪內外者聞春秋斷以大義不得稱爵也吾觀其親 侯胡文定曰蔡知佗之爲贼陳不以佗爲君五父之 亂賊之名昭于二國非不幸也 不怒夫亦可以泰然為君矣而淫獵是尚死同匹夫 仁善隣之諫亦似有識之流而身蹈篡逆之罪語云 周鄭繻葛之戰 左傳事牌

金牙匹尼全書 盆也明怨而行要之以禮雖無有質誰能間之尚有明 酌昭忠信也 之信行之以禮又馬用質風有采繁采觸雅有行章河 行潦之水可薦於思神可羞於王公而況君子結二國 信澗谿沼沚之毛蘋繁蕰藻之菜筐莒錡釜之器潢汙 麥秋又取成周之未周鄭交惡君子曰信不由中質無 于周王崩周人将弄虢公政四月鄭祭足帥師取溫之 曰無之故周鄭交質王子孤爲質于鄭鄭公子忽爲質 **弁鄭伯如周始朝桓王也王不禮焉周** 

人之不至不亦宜乎 そううまこんはす 樊隰越横茅向盟州陘隤懷君子是以知桓王之失鄭 卿士于周八月丙戊鄭伯以齊人朝王禮也 猶懼不能況不禮為鄭不來矣 桓公言於王曰我周之東遷晉鄭焉依善鄭以勸來者 王以諸侯伐鄭鄭伯禦之王為中軍虢公林父將右軍 也怒而行之德之則也禮之經也已弗能有而以與人 取鄔劉為形之田于鄭而與鄭人蘇忿生之田温原稀 左傳事韓 年 王奪鄭伯政鄭伯不朝秋 年夏號公忌父始作

金しくびた 蔡人衛人屬為周公黑 局將左軍陳人屬為鄭子元請 足為左拒原繁高渠彌以中軍奉公為無麗之陳先偏 有關心若先犯之必奔王率顧之必亂察衛不枝固將 爲左拒以當蔡人衛人爲右拒以當陳人曰陳亂民莫 王亦能軍祝聃請從之公曰君子不欲多上人況敢陵 皆奔王本亂鄭師合以攻之王卒大敗祝聃射王中肩 後伍伍承彌縫戰于繻葛命二拒曰瘡動而鼓蔡衛陳 先奔既而萃于王率可以集事從之曼伯爲右拒祭仲

且問左右 人衛人代盟向王遷盟向之民于郊 天子乎的自救也社稷無買多矣夜鄭伯使祭及勞王 世詩人作刺至于厲王乃流于疑亂自京師始而共 **寝衰昭王南征不復穆王征犬戎荒服不至懿王之** 成康號為全盛并建支庶以屏王室自是以降周道 嗚呼君尊臣甲古今之大防也使君而不君臣而不 臣天下之綱紀奈矣其何一尊之有余稽周白文武 **+ 夏盟向求成于鄭既而背之秋鄭人齊** 

左傳事解

出自厲王宣王之母弟也始封咸林密通西京既而 雖多故亦唯是蠻夷戎狄尚賴伯叔甥舅以鎮定之 平王東遷內賴周召之輔外借侯伯之功故鄭桓死 寄谷號館在成周又畿內馬以情則周之懿親也以 不聞有兄弟之國敢以一矢加王如鄭莊者也夫鄭 而新鄭建晉文勞而彤弓錫秦襄戰而周土封蓋周 喪師周亦不競幽王無道西戎內侵來有驪山之禍 和行政馬宣王中與北征獨犹南平徐淮然而南國

金牙匹尼白電

7. Jan 2.1. 間有討無戰天子有爵夫誰敢爭鄭伯何人而挾王 守臣節桓失懷緩總葛一敗直自取耳不知君臣之 險阻西迫秦翟南接荆楚儻有外傷猶賴爾鄭以朝 來伐鄭伯禦之其夜遣問勞僅思自救信斯言也莊 國則周之左右藩輔也況雄邑彈九之區無山川之 卿士鄭猶朝王其後易田奪政鄭始不朝王以三國 而敢修小怨莊公之罪浮于戎狄矣左氏謂號公作 夕夾輔王家不謂世職司徒方假王靈以雄視甸服 左傳事緯

金牙匹尼石 質子兩掠京畿天子震怒敢抗王師無麗拒戰有若 也名曰從王實以修其私憾然而王親將軍三君不 敵國天威不行伊誰咎與夫陳蔡及衛皆鄭之怨讎 以吾考之王詩桓王失信諸侯背叛構怨連禍王師 出師無法紀民鮮關心是王師之敗又三國之咎也 敗傷君子不樂其生爲詩曰有冤爰爰雉離于羅我 如是是桓王亦非能伐人者然而君臣無獄況於用 生之初尚無為我生之後逢此百惟尚寐無吼有詩

際諸侯之殭忍不仁者無如鄭莊公而善爲巧辭以 子出必以鄭莊公爲首誅焉 弟鄰國之間莫不內肆奸貪而外為恭順設有聖天 射王而中其局猶曰不敢陵天子其於君臣母子兄 離其母而賦大隧滅許而分其國則曰我無利此土 抗命矢集王肩而文過飾罪吾誰欺乎春秋隱桓之 文其說試觀易田曰假襲紀曰朝逐其弟而愧餬口 兵的能謝罪入朝臣道不虧天怒可解胡爲乎瘡鼓 1 1 1 1 1 1 左專事 蓋

金牙四片生 言於楚子曰吾不得志於漢東也我則使然我張吾三 也漢東之國隨爲大隨張必棄小國小國離楚之利也 軍而被吾甲兵以武臨之彼則懼而協以謀我故難問 **遠章求成馬軍於瑕以待之隨人便少師董成關伯比** 桓 一蔡侯鄭伯會于鄧始懼楚也 楚武始彊 年楚武王侵 随使

比口以為後圖少師得其君王毀軍而納少師少師歸

少師侈請贏師以張之熊率且比曰季梁在何益關伯

其誘我也君何急馬臣聞小之能敵大也小道大淫所 請追楚師隨侯將許之季梁止之曰天方授楚楚之羸 也今民餒而君逞欲祝史嬌舉以祭臣不知其可也公 謂道忠於民而信於神也上思利民忠也祝史正辭信 不疾族蠡也謂其備脂咸有也奉盛以告曰絜梁豐盛 碩肥脂謂民力之善存也謂其畜之碩大藩滋也謂其 也是以聖王先成民而後致力於神故奉牲以告曰博 曰吾牡拴肥腯粢盛豐備何則不信對曰夫民神之主 (1.1) 左傳事輯

庶免於難隨侯懼而修政楚不敢伐 乎民和而神降之福故動則有成今民各有心而鬼神 也故務其三時修其五教親其九族以致其種祀於是 謂其三時不害而民和年豐也奉酒體以告曰嘉栗旨 沈鹿黃隨不會使遠章讓黃楚子伐隨軍于漢准之間 **楚關伯比回可矣儲有累不可失也夏楚子合諸侯于** 酒謂其上下皆有嘉德而無違心也所謂馨香無讒慝 之主君雖獨豐其何福之有君姑修政而親兄弟之國 **升隨少師有罷** 

CALOR ALAN **赴子使道朔將巴客以聘于鄧鄧南鄙動人攻而奪之** 克也乃盟而還 私巴子使韓服告于楚請與鄧爲好 隨及楚平楚子將不許關伯比曰天去其疾矣隨未可 **札隨師敗績隨侯逸關丹獲其戎車與其戎右少師秋** 敗偏敗眾乃攜矣少師曰不當王非敵也弗從戰于速 隨侯曰必速戰不然將失楚師隨侯禦之望楚師李梁 李梁請下之弗許而後戰所以怒我而怠寇也少師謂 曰楚人上左君必左無與王遇且攻其右右無良焉必 左傳事群

楚使關廉的師及巴師 圍那鄧養甥聃甥的師救鄭三 幣殺道朔及巴行人楚子使遠章讓於鄧鄧人弗受夏 之至也君次于郊郢以禦四邑我以銳師宵加于鄖鄖 師莫敖患之關廉曰即人軍其郊必不誠且日虞四邑 楚屈瑕將盟貳軫鄖人軍於蒲騷將與隨紋州蓼伐楚 人逐之背巴師而夾攻之鄧師大敗鄭人宵潰 有虞心而恃其城莫有關志若敗鄖師四邑必離莫敖 逐巴師不克關廉衡陳其師於巴師之中以戰而北鄧 年十

伐之使伯嘉謀之三巡數之 十三年春楚屈瑕伐羅 之爲城下之盟而還伐紋之役楚師分涉于彭羅人欲 出驅楚役徒於山中楚人坐其北門而覆諸山下大敗 無扞采樵者以誘之從之絞人獲三十人明日絞人爭 **楚伐絞軍其南門莫敖屈瑕曰絞小而輕輕則寡謀請** 以决疑不疑何卜遂敗鄖師於蒲騷奉盟而還 君之所聞也成軍以出又何濟焉莫敖曰卜之對曰卜 曰盍請濟師於王對曰師克在和不在衆商周之不敵 左傳事績 年十

威莫敖以刑也莫敖狃於蒲騷之役將自用也必小羅 遂見楚子曰必濟師楚子解焉入告夫人鄧曼鄧曼曰 召諸司而勸之以令德見莫敖而告諸天之不假易也 君若不鎮撫其不設備乎夫固謂君訓衆而好鎮撫之 大夫其非衆之謂其謂君撫小民以信訓諸司以德而 關伯比送之還謂其御曰莫敖必敗舉趾高心不固矣 莫敖使狗于師曰諫者有刑及鄢亂次以濟遂無次且 不然夫豈不知楚師之盡行也楚子使賴人追之不及

金牙氏石石

之下命尹鬬祁莫敖屈重除道梁溠營軍臨隨隨人懼 告夫人鄧曼曰余心湯鄧曼敦曰王禄盡矣盈而湯天 羣帥囚于冶父以聽刑楚子曰孤之罪也皆免之 焉若師徒無虧王薨於行國之福也王遂行率於楊木 之道也先君其知之矣故臨武事將發大命而蕩王心 四年春王三月楚武王荆尸授師孑焉以伐隨將齊入 CONTROL DIAM 行成莫敖以王命入盟隨侯且請爲會於漢汭而還濟 左傳事牌

不設備及羅羅與盧戎兩軍之大敗之莫教縊于荒谷

門教游涌而逸楚子殺之其族爲亂冬巴人因之以伐 人伐申而驚其師已人叛楚而伐那處取之遂門于楚 漢而後發喪 **弗從臨之以兵懼而從之鬻拳曰吾懼君以兵罪莫去** 諸夕室亦自殺也而葬於經皇初鬻拳强諫楚子楚子 黄敗黄師于踏陵還及湫有疾夏六月庚中本鬻拳葬 圍而殺之遷權於那處使問教尹之及文王即位與門 十九年春楚子禦之大敗於津還鬻奉弗納遂伐 年十 初楚武王克權使屬稱尹之以叛

世上人 人丁二日

過鮮矣善敗由已而由人乎哉詩曰豈不夙夜謂行多 隨取成而還君子曰隨之見伐不量力也量力而動其 子曰鬻拳可謂愛君矣諫以自納于刑刑猶不忘納君 Caller Little 鄧之會傳曰始懼楚也曷言乎始懼也中國患楚自 此始周夷王之世熊渠僣王然而舜去其號是猶知 十年隨以漢東諸侯叛楚冬鬬穀於苑帥師代 左傳事縣

焉遂自則也楚人以爲大闇謂之大伯使其後掌之君

畏天子也及平王末蚡胃于是乎啓濮是猶未蠶食 蔡鄭及鄧密週長蛇鄧尤倡處甘為地主三國震動 諸夏也武王之立當王室益衰諸侯多故曲沃庶也 而書之也考武之伐隨也曰我有敞甲欲以觀中國 協謀春秋傷之曰此楚二百年來猾夏之始事故謹 多難自顧不遑自是荆蠻之主侈然不復避中國矣 而信晉鄭伯臣也而抗王魯衛陳宋臣弑其君中國 之政請王室尊吾號隨侯為之請於王王室不聽旣

とこつらたこう 子曰政之不修會無益也吾觀楚自武王奉于伐隨 爲會以求安自是鄧減蔡虜鄭伐不聞其相救焉君 終不能得志至成王子文出師僅亦取成春秋之國 黃紋羅之區耶夫隨以漢東小侯惕于季梁之言楚 懼假令不死方城之外非中國有也其為忠寧止隨 號乃自立為王然則會鄧之日楚尚未王而諸姬恐 而曰吾先鬻熊文王之師也蠻夷皆率服而王不加 小而能自殭者信莫如隨矣今三國不能自立而止 左傳事解

居于魏 伯益其國而不能實也命曰新里秦取之 年三为伯萬之母的姜惡的伯之多寵人也故逐之出 金ダにたんか 記執为伯以歸 死罔懈移莊之業已基于此而東諸侯之支楚曾無 白殭如隨者中國之不競又何足怪也哉 役而文王率于代黃之師天方授楚思世好兵至 秦納芮取梁 年四 秋春師侵芮敗焉小之也冬王師秦師 **牟秋秦人納芮伯萬于芮** 圍

遂城而居之梁亡不書其主自取之也初梁伯好土功 秦將襲我民懼而潰秦遂取梁 亞城而弗處民罷而弗堪則曰某 冤將至乃溝公宮曰 **えこりここここ** 穆公之世間嘗考之竹書周桓王五年尚人乘京十 伯當在寧公之世納尚當在出子之世而取梁則在 秋略其文傳中止記納芮一事亦不言何公按執芮 秦以文公之四十四年入春秋凡八傳而至穆公春 年为伯萬出奔魏十二年王師秦師圍魏取芮伯 左傳事牌

金定匹库全書 八年周公欲弑莊王而立王子克辛伯告王遂與王殺 備諸家各據所見而誌之或畧或詳不可同論而厚 以來非小弱也故附論焉 **邽其戎滅小號諸事而無納芮之文蓋古史缺焉不** 遷記秦事最詳有寧公滅毫取湯氏武公伐彭戲伐 萬而東之十三年我人逆芮伯萬于郊文異於此史 誣也傳所稱穆公霸西戎賢矣以所聞襄公定天子 王子克之亂

從故及 周公辛伯諫曰並后匹嫡兩政耦國亂之本也周公弗 てこうう ここ 周公黑肩王子克奔熊初子儀有罷於桓王桓王屬諸 周室之亂非諸侯故也大抵起于並后匹嫡而亂人 乘以為利者也在告攜王奸位王室播遷周幾不祀 乃又不鑒子儀謀弒起于桓王之龍子顏借立始于 王姚之嬖叔帶作亂生于惠后之奸爰及子朝東西 二王龍戰五載亂靡有定誰生属階則景王之寵爲 左傳事輯

金好四十八年 姊妹則上鄉送之以禮於先君公子則下鄉送之於大 國雖公子亦上卿送之於天子則諸卿皆行公不自送 之好故曰公子齊侯送姜氏非禮也凡公女嫁于敵國 年三會于嬴成昏于齊也秋公子暈如齊逆女修先君 明嫡庶之義事敗殺身誠無足道若辛伯之先識禍 端終戡大亂大臣之匡定王室方于公旦亦無愧焉 之也辛伯之言不其然與黑肩知有桓王之寵而未 文姜之亂

かんかしり こしんだい 一種 九月丁卯子同生以大子生之禮舉之接以大牢卜士 山川則廢主以畜牲則廢祀以器幣則廢禮晉以僖侯 以諱事神名終將諱之故以國則廢名以官則廢職以 不以官不以山川不以隱疾不以畜牲不以器幣周 命鳥義以類命鳥象取於物爲假取於父爲類不以國 曰名有五有信有義有象有假有類以名生爲信以德 負之士妻食之公與文姜宗婦命之公問名於申繻對 左傳事群

於小國則上大夫送之冬齊仲年來聘致夫人也

年六

廢司徒宋以武公廢司空先君獻武廢二山是以大物 請以彭生除之齊人殺彭生 不敢寧居來脩舊好禮成而不及無所歸咎惡於諸侯 子彭生乘公公薨于車魯人告于齊曰寡君畏君之威 姜如齊齊倭通焉公謫之以告夏四月丙子享公使公 無相瀆也謂之有禮易此必敗公會齊侯于漂遂及文 年春公將有行遂與姜氏如齊申繻曰女有家男有室 不可以命公曰是其生也與吾同物命之曰同 **举元年春不稱即位文** 

老一

邁種德德乃降姑務脩德以待時乎秋師還君子以是 禮也夏師及齊師圍腳腳降于齊師仲慶父請伐齊師 七年春文姜會齊侯于防齊志也 齊侯于禚書姦也 三年春羽會齊師伐衛疾之也 秋祭王姬之館于外爲外禮也 二年冬夫人姜氏會 姜出故也三月夫人孫于齊不稱姜氏絕不爲親禮也 - Caldist Sicks 善雪莊公 公曰不可我實不德齊師何罪罪我之由夏書曰皐陶 左傳事輯 八年春治兵于廟

逆送咸不以正始合失禮焉得善終固無足論若夫 讐而因以終稔齊侯之惡以斃其身吉凶影響可不 公宮之訓文姜一嫁兩國行穢春秋病襄兼以病僖 齊僖小霸雄長東方而于國儲無世子之教愛女無 畏與春秋于齊魯為春之事詳書于經說者曰成春 不死于本國而死于齊天蓋巧于假手以爲隱公復 觀于齊魯之亂而知天道不爽如是其昭然也桓公 也考之隱桓之世中國之壤地甲兵無如齊者瓦屋

金牙丘屋人三百

久己日三八八十 **裁逆之賊南面無悉而朝聘屢接似非天道孰知正** 齊使中絕戰闘數加二國名雖昏姻勢漸仇離襄公 齊誰使然與讀桓公之春秋至王室三聘列國六朝 嗣立戰奚侵疆亦未嘗與魯深結好也俄而夫婦如 且親送之東方之事蓋可知矣然而仲年旣聘之後 權與焉乃計不出此亂國是親魯桓篡逆且與之昏 之漸連諸侯者撲諸侯以代諸侯之漸桓文之事實 之會則參盟矣伐宋之役則連諸侯矣參盟者主盟 左傳事旗

氏而兩世蒙恥亂賊篡國禍流子孫可畏也哉 桓載驅刺襄公而繼之以衙嗟以刺會莊會有 則從征伐則偕為文姜者豈弟翱翔宣淫如志而莊 公不恥故齊風南山刺襄公而繼之以散笱以刺魯 **魂魄**非 月樂死忘歸而配章狐綏禍中搚幹天實厭逆奪其 以驕淫其志與一婦人招搖人國謂若我何留連 齊襄滅紀 A Triple 日矣莊公不能為親復讐及聽其命田獵 一姜

**に元八月紀人伐夷夷不告故不書** 來逆女卿爲君逆也冬紀子帛莒子盟于密會故也 謀齊難也冬紀侯來朝請王命以求成于齊公告不能 伯朝于紀欲以襲之紀人知之 好夏會于成紀來語 4公及艺人盟于浮來以成紀好也 向姜不安莒而歸夏莒人入向以姜氏還九月紀裂繑 STANDE LANGE 于京師凡諸侯之女行唯王后書 \$P 祭公來遂逆王后于紀禮也 九年春紀季姜歸 左傳事時 十七年春盟于黄 年五夏齊侯鄭 年苦子娶于向

齊難也 紀故也鄭伯辭以難凡師一宿為舍再宿爲信過信爲 以都入于齊紀於是乎始判冬公次于滑將會鄭伯謀 不虞姑盡所備焉事至而戰又何謁焉 人侵會疆疆吏來告公曰疆場之事慎守其 齊紀且謀衛故也夏及齊師戰于奚疆事也於是齊 滅紀斷非復讎也二國唇齒自僖公即欲襲之齊之 紀侯不能下齊以與紀季夏紀侯大去其國達 莊三 秋紀季 而備其

金厂四

欠こうことなる 義庶妃矢共姜之操紀之國亡而不亡也襄之九世 年經書叔姬本紀以小國遭時不造介弟慕微子之 以存姑姊妹明年而紀侯大去紀亡矣其後二十餘 公薨紀益失恃矣季知必七以都求成曰請後五廟 襄公初立會方爲平縣復戰奚盟何足信無何而桓 免禍处則魯女女為王后婚媾重于一時紀是以少 延無何而桓王崩紀失恃矣天誘其衷齊僖隕命乃 利紀已非一日天下無霸小國不寧奔走幹旋唯圖 左傳事輯

クラレアノニー 則可也及行飲以酒壽子載其在以先盗殺之急子至 子告之使行不可曰弃父之命惡用子矣有無父之國 姜與公子朔構急子公使諸齊使盜待諸華將殺之壽 於齊而美公取之生壽及朔屬壽於左公子夷姜益宣 六年初衛宣公烝于夷姜生急子屬諸右公子爲之娶桓十初衛宣公烝于夷姜生急子屬諸右公子爲之 祖諧殺于紀復讎之義殺其君而不有其土今也都 入而李在國去而君存齊之雠復而不復也 衛惠竊立

位者必度于本末而後立表焉不知其本不謀知本之 職乃即位君子以二公子之立黔年為不度矣夫能固 曰我之求也此何罪請殺我乎又殺之二公子故怨惠 不枝弗强詩云本枝百世冬齊人來歸衛寶文姜請之 公十一月左公子洩右公子職立公子黔牟惠公奔齊 CANDART FIRM 入放公子點牟于周放甯跪于秦殺左公子洩右公子 并五冬代衛納惠公也 左傳事群 六年春王人救衛夏衛侯

甚哉衛之不幸也州吁方誅宣公又以淫亂繼之上 使其在位四年而忽逐之何故公羊氏曰朔得罪于 亂行之時而急壽能以死相讓二子乘舟今古同閔 **烝夷姜下取急婦淫風化于國中卒有數世之禍迄** 既及黔年為急母弟以次當立二子不以此時拒朔 乃知節義之人當時窮而益著方類何足拘焉宣公 今讀衞風至教禁新臺諸篇不堪言矣獨是于鳥獸 天子越在岱陰齊屬負兹舍不即罪然則惠立之日

**無,鄭公子忽在王所故陳侯請妻之鄭伯許之乃成** 競竟使佩繫之童子賊守正之大臣豈其天未厭亂 抑將有以大滅衞乎二子不幸無功而左氏乃譏其 開釁王室正罪有辭抗義援立因隱爲功逆朔之罪 不度抑過矣 天下兴聞一大快舉也奈何五國受寶助亂王師不 蘧除雖隕牝雞方鳴二公子雖欲圖尚無其間今也 鄭厲篡國

De Carry les Comments

左傳事輯

之我人之前遇覆者奔祝聃逐之衷我師前後擊之盡 進進而遇覆必速奔後者不救則無繼矣乃可以逞從 而不整貪而無親勝不相讓敗不相救先者見獲必務 使勇而無剛者嘗冠而速去之君爲三覆以待之戎輕 伯禦之患戎師曰彼徒我車懼其侵軼我也公子突曰 為夫婦誣其祖矣非禮也何以能育 歸甲寅入于鄭陳鍼子送女先配而後祖鍼子曰是不 \$P四月甲辰鄭公子忽如陳逆婦媽辛亥以媽氏 年北戎侵鄭鄭

タロた とこ

找師獲其二帥大良少良甲首三百以獻于齊於是諸 伐齊齊侯使乞師于鄭鄭大子忽帥師救齊六月大敗 文姜妻鄭大子忽大子忽辭人問其故大子曰人各有 其有功也怒故有郎之師公之未昏於齊也齊侯欲以 侯之大夫戊齊齊人饋之鎮使魯馬其班後鄭鄭忽以 君子曰善自為謀及其敗我師也齊侯又請妻之固辭 耦齊大非吾耦也詩云自求多福在我而已大國何爲 左傳事隆

殪戎師大奔十一月甲寅鄭人大敗戎師

年女 北戎

曹鄭昭公之敗北戎也齊人將妻之昭公辭祭仲曰必 伯 人問其故大子曰無事於齊吾猶不敢今以君命奔齊 取之君多內寵子無大援將不立三公子皆君也弗從 侵伐先書齊衛王爵也 周班後鄭鄭人怒請師于齊齊人以衛師助之故不稱 侯救之鄭公子忽有功焉齊人餼諸侯使曾次之會以 之急而受室以歸是以師母也民其謂我何遂辭諸鄭 **针冬齊衛鄭來戰于郎我有辭也初北戎病齊諸** 十一年春齊衛鄭宋盟于惡

鱼好四度生意

為公娶鄧曼生昭公故祭仲立之宋雍氏女於鄭莊公 以厲公歸而立之秋九月丁亥昭公奔衞已亥厲公立 夏鄭莊公奉初祭封人仲足有竈於莊公莊公使爲卿 伯盟于武父遂帥師而伐宋戰焉宋無信也君子曰尚 未可知也故又會于虚冬又會于龜宋公辭平故與鄭 之曰不立突將死亦執屬公而求賂焉祭仲與宋人盟 曰雅姑生属公雅氏宗有寵於宋莊公故誘祭仲而執 · / sud the last of last 計二公欲平宋鄭秋公及宋公盟于句瀆之丘宋成 左傳事輯

金ケロドレとう 曹曹人致鎮禮也夏鄭子人來舞盟且修曹之會冬宋 燕戰不書所戰後也鄭人來請修好 信不繼盟無益也詩云君子屢盟亂是用長無信也 曰父與夫孰親其母曰人盡夫也父一而已胡可比也 伯患之使其壻雅糾殺之將享諸郊雍姬知之謂其母 取牛首以大宮之椽歸為盧門之椽 人以諸侯伐鄭報宋之戰也焚渠門入及大達伐東郊 十三宋多責賂于鄭鄭不堪命故以紀魯及齊與宋衛 十四年春會于 **针五祭仲專鄭** 

遂告祭仲曰雍氏舍其室而將享子於郊吾感之以告 辛卯弑昭公而立公子亹君子謂昭公知所惡矣公子 祭仲殺雍糾尸諸周氏之汪公載以出曰謀及婦人宜 高渠彌為卿昭公惡之固諫不聽昭公立懼其殺已也 七月公至自伐鄭以飲至之禮也 克而還 十六年春正月會于曹謀伐鄭也夏伐鄭秋 人殺檀伯而遂居櫟冬會于襄謀伐鄭將納厲公也弗 其死也夏厲公出奔蔡六月乙亥昭公入秋鄭伯因櫟 くらしつかったはあ 一一 左傳事韓 年七初鄭伯將以

高渠彌祭仲逆鄭子于陳而立之是行也祭仲知之故 首止子亹會之高渠彌相七月戊戌齊人殺子亹而報 公初内蛇與外蛇關於鄭南門中内蛇死六年而屬公 自機侵鄭及大陵獲傅瑕傅瑕曰尚舍我吾請納君與 達曰高伯其爲戮乎復惡已甚矣 入公聞之問於申編曰猶有妖乎對曰人之所忌其氣 之盟而赦之六月甲子傅瑕殺鄭子及其二子而納厲 稱疾不往人曰祭仲以知免仲曰信也 金罗正尼台 年十 八秋齊侯師于 四年鄭屬公

妖與故有妖厲公入遂殺傅瑕使謂原繁曰傅瑕貳周 談以取之妖由人與也人無累馬妖不自作人棄常則 Constitute Line 矣而謀召君者庸非貳乎莊公之子猶有八人若皆以 民其誰不爲臣臣無二心天之制也子儀在位十四年 柘社稷有主而外其心其何貳如之尚主社稷國內之 夫之事吾願與伯父圖之且寡人出伯父無裏言入又 不念寡人寡人憾焉對曰先君桓公命我先人典司宗 有常刑既伏其罪矣納我而無二心者吾皆許之上大 左傳事癖

縊而死 官爵行點勸貳而可以濟事君其若之何臣聞命矣乃 鉏不能衛其足 無後於鄭使以十月入曰良月也就盈數焉君子謂强 別强銀公父定叔出奔衛三年而復之曰不可使共叔 為不禮故也鄭伯治與於雍糾之亂者九月殺公子尉 詩傳曰公子五爭齊楚交伐鄭國大亂其臣謀欲諫 而救之賦籜兮序曰出其東門閱亂也公子五爭兵 年,鄭伯自櫟入緩告于楚秋楚伐鄭及櫟十六鄭伯自櫟入緩告于楚秋楚伐鄭及樂

をいりにとんびと

表

200000 曩者會稷之役會鄭齊陳實同其事今也宋莊納萬 事不見于經一旦鄭莊身殁嫡庶交爭宋莊于是效 殤立莊則爲會于稷以成之然則子馮處鄭日久習 其故智首開難端推刃每館天道之好還能不信哉 見其詐特得國之初尚屈于鄭是以在位八年其行 肉而亂其國於宋尤基宋莊在鄭則欲納之華督弒 兩立忽及齊儀各一是也夫鄭莊不仁好構人之骨 華不息男女相弃民人思保其室家焉五爭者子突 左專事身

求貼成豐會不能和軟比鄭以館宋是以貼合者仍 以駱離然而宋戰方新昭公入國會裏會曹魯宋同 幾事之成敗何足論焉獨是祭仲及覆不臣肆行廢 助爲賦有女同車不知文姜內淫行比婁豬齊襄不 之春秋之諸侯何常之有吾及鄭忽以莊公世嫡即 無大援分固當立不幸遭國多難詩人刺其辭昏失 立有亂國之實而不有弑君之名權詐相濟沒齒無 君國刺雄狐方殺魯桓豈遂庇鄭忽之解昏若有先

夷仲年生公孫無知有寵於僖公衣服禮我如適襄公 代期戌公問不至請代弗許故謀作亂僖公之母弟曰 于貝丘見大豕從者曰公子彭生也公怒曰彭生敢見 **絀之二人因之以作亂連稱有從妹在公宮無寵使間** 67ml 1 101.7 7 公曰捷吾以女爲夫人冬十二月齊侯游于姑棼遂田 **恙可謂狡矣** 、齊侯使連稱管至父戌葵丘瓜時而往曰及瓜而 齊襄之弑 左一事集

金万口下人生言 常鮑叔牙曰君使民慢亂將作矣奉公子小白出奔艺 門中石之紛如死于階下遂入殺孟陽于床曰非君也 奚御哉袒而示之背信之費請先入伏公而出關死于 人費弗得鞭之見血走出遇賊于門切而東之費曰我 射之豕人立而啼公懼隊于車傷足丧優及誅屢於徒 亂作管夷吾召忽奉公子斜來奔初公孫無知虐于雅 不類見公之足于戶下遂哉之而立無知初襄公立無 九年春雅虞殺無知公及齊大夫盟于乾齊無君

乾時我師敗績公受我路傳乘而歸秦子梁子以公旗 剃日肉食者鄙未能遠謀乃入見問何以戰公曰衣食 我公將戰曹劇請見其鄉人曰肉食者謀之又何間焉 管夷吾治於高僕使相可也公從之 十年春齊師伐 死之管仲請囚鮑叔受之及堂阜而稅之歸而以告曰 碎于下道是以皆止鮑叔帥師來言曰子糾親也請君 也夏公伐齊納子糾桓公自莒先入秋師及齊師戰于 討之管召讐也請受而甘心焉乃殺子糾于生實召忽 左

也公曰小大之獄雖不能察必以情對曰忠之屬也可 曰犧牲玉帛弗敢加也必以信對曰小信未孚神弗福 所安弗敢專也必以分人對曰小惠未徧民弗從也公 我盈故克之夫大國難測也懼有伏焉吾視其轍亂望 其故對曰夫戰勇氣也一鼓作氣再而衰三而竭彼竭 未可齊人三鼓劇曰可矣齊師敗績公將馳之劇曰未 可下視其轍登載而望之曰可矣遂逐齊師既克公問 戰戰則請從公與之乘戰于長勺公將鼓之劇曰

金匠正匠生書

其旗靡故逐之夏六月齊師宋師次于郎公子偃曰宋 年一冬齊侯來逆共姬 年三冬盟于柯始及齊平也 又不至冬齊師滅譚譚無禮也譚子奔莒同盟故也 還齊侯之出也過譚譚不禮馬及其入也諸侯皆賀譚 出蒙皐比而先犯之公從之大敗宋師于乘丘齊師乃 師不整可敗也宋敗齊必還請擊之公弗許自雩門竊 Para Line 公復讐時也告者公年尚幼齊襄方殭委氏內制難 魯桓之死齊殺彭生及齊襄之裁彭生見馬此正莊 左傳事牌

當立者以攻其當立者乾時一敗僅獲傳乘鮑子來 讐之義天下者聞先君之怨至此雪矣惜乎莊非其 子糾以公爲病矣齊桓圖霸亟欲得魯而北杏之會 伐糾亦不保穀梁氏識之曰以千乘之魯不能存 人無知之立晏然弗知計阻小白唯糾是助佐其不 陳蔡景從會人獨後者中懷納糾之隙猶豫未前桓 以爲謀是猶可原之曰公非忘讐力不能耳今者戸 下難發襄身被殲公以此時仗義問罪別立賢君復

金牙巴尼全章

翼侯奔隨曲沃叛王秋王命號公伐曲沃而立哀侯于 **降五曲沃莊伯以鄭人邢人代翼王使尹氏武氏助之** Valor Land 復奚響莊公果于取襄之女而獨疑于從桓之會其 請田亦何爲也哉或曰二國世仇桓公雖霸豈忍遽 從不知先公之死莊公忘之久矣況乎齊襄已殺桓 獨捐弃前怨爲柯之盟信義是尚彼曹沫手剱要盟 于利害之際勤矣其于復讐之義則未也 曲沃弁晉 左手事簿

一多方になんなる 野晉人謂之野侯 兆亂矣兄其替乎惠之二十四年晉始亂故封桓叔于 妃怨耦口仇古之命也今君命大子曰仇第曰成師始 以體政政以正民是以政成而民聽易則生亂嘉耦曰 師師服曰異哉君之名子也夫名以制義義以出禮禮 之役生大子命之曰仇其弟以千畝之戰生命之曰成 曲沃靖侯之孫樂廚傅之師服曰吾間國家之立也本 年翼九宗五正項父之子嘉父逆晉侯于隨納諸 年二初晋穆侯之夫人姜氏以像

大夫有貳宗士有隷子弟庶人工商各有分親皆有等 大而末小是以能固故天子建國諸侯立家卿置側室 于脛庭韓萬御戎梁弘爲右逐翼侯子汾隰縣往而止 田煙庭南鄙啓曲沃伐翼 三年春曲沃武公伐翼次 **弑孝侯翼人立其弟鄂侯鄂侯生哀侯哀侯侵匹庭之** 桓叔不克晉人立孝侯惠之四十五年曲沃莊伯伐翼 本既弱矣其能久乎惠之三十年晉潘父弑昭侯而納 衰是以民服事其上而下無觊觎今晉甸侯也而建國 · / malon to Anda 左專事簿

夜獲之及欒共权 命曲沃伯以一軍爲晉侯 十八年春號公晉侯朝 倡獻公患之士為曰去富子則羣公子可謀也已公曰 名位不同禮亦異數不以禮假人 王饗體命之有皆賜玉五穀馬三匹非禮也王命諸侯 秋號仲芮伯梁伯荀侯賈伯伐曲沃 八年春滅翼冬王命號仲立晉哀侯之弟稱于晉 爾試其事士為與羣公子謀諸富子而去之 #冬曲沃伯誘晉小子侯殺之 二年晉桓莊之族 六年王使號公 四年十晉 年九

宮 殺游氏之族乃城聚而處之冬晉侯圍聚盡殺羣公子 可矣不過二年君必無患 二十晉士為使羣公子盡 士為又與羣公子謀使殺游氏之二子士為告晉侯曰 201101 2111 被弑既而昭侯之子孝侯桓叔弑之孝侯之子鄂侯 侯弟也曲沃之封邑大于國潘父作難于内而昭侯 曲沃之無道也六弑其君矣昭侯丈侯子也桓叔文 一十六年春晉士萬爲大司空夏士萬城絳以深其 左傳事簿

驕恣方改夏朔豈假周命稱侯立而旋亡天王受其 遷)王綱廢墮不能正其罪而及助之天子凌夷于上 武公滅之遂以并晉其裁其君也猶掇之兩周室播 賂器齊桓初伯威未及遠周之衰也何可問也夫唐 奸囘亦何懼之有未幾而並叛王矣三世濟惡侈然 莊伯哉之鄂侯之子哀侯稱侯與哀侯之子小子侯 戎之亂猶能以王室懿親身戡國難我周之東遷實 叔以成王介弟剪桐受封以來及文侯甫九世耳犬

大いうる 人名司 敗續于其秋宋大水公使吊馬曰天作淫雨害於梁盛 曰敗績得雋曰克覆而敗之曰取其師京師敗曰王師 而薄之敗諸部凡師敵未陳曰敗其師皆陳曰戰大崩 公十一年夏宋為乘丘之役故侵我公禦之宋師未陳 **式賴之其遺烈猶未遠也奈何骨肉肇亂禍成耦國** 椒聊揚水民樂爲謀抑亦威衰之有定數豈命名之 果足以招尤耶 宋閔之弑 左傳事牌

今子曾囚也吾弗敬子矣病之 十二年秋宋萬裁関 萬公右敬孫生摶之宋人請之宋公勒之曰始吾敬子 宜為君有恤民之心乘立之役公以金僕姑射南宮長 命之辱臧丈仲曰宋其與乎禹湯罪已其與也恃焉禁 公于蒙澤遇代牧于門批而殺之遇大宰督于東宮之 禮其庶乎既而聞之曰公子御說之辭也臧孫達曰是 約罪人其亡也忽焉且列國有凶稱孤禮也言懼而名 若之何不男對曰孤實不敬天降之災又以爲君憂拜

金ケロト

ルグラー

史已四三人三三一左傳事牌 好非謀也衛人歸之亦請南宮萬于陳以縣陳人使婦 於宋而保於我保之何補得一夫而失一國與惡而弃 以曹師伐之殺南宮牛于師殺子游于宋立桓公猛獲 西又殺之立子游羣公子奔蕭公子御說奔毫南宮牛 獲于衛衛人欲勿與石祁子曰不可天下之惡一也惡 奔衛南宮萬奔陳以來車輦其母一日而至宋人請猛 猛獲的師圍毫冬十月蕭叔大心及戴武宣移莊之族 人飲之酒而以犀華襄之比及宋手足皆見宋人皆臨

クートに見 贼之战其君也易於宋督矣萬即多力非若鄋瞞之 其我也累起于戲龍之言已伏私遊之袖乃猶不悟 宋公之失刑也其見弒宜矣長萬獲乎莊公數月然 佚宕中國不可傷也弑逆之徒何國無灋陳宣不道 而君臣相博婦人雜居魯侯之美曾何足妬漸端積 後歸之典刑未正而及升為大夫無怪乎萬之驟行 于有日絕胆激於一言仇牧手剱祇遭碎首異哉亂 زم آلا

六年初晉武公伐夷執夷詭諸為國請而免之旣而弗 The state of the state of 并力初王姚嬖于莊王生子顏子顏有罷為國為之師 師伐夷殺夷詭諸周公忌父出奔號惠王立而復之 報故子國作亂謂晉人曰與我伐夷而取其地遂以晉 亂不阿比于春秋之諸侯無乃賢平 曾何功較之衞國爲失謀矣若御說之對災知警討 反為淵藪受賂于宋國而取謀於婦人賊臣雖討陳 王子顏之亂 左傳事輯

遂入成周取其實器而還久王子頹享五大夫樂及偏 師伐周冬立子顏 二十年春鄭伯和王室不克執於 國邊伯石速詹父子禽祝跪作亂因蘇氏秋五大夫奉 及惠王即位取為國之圃以為囿邊伯之宮近于王宮 仲父夏鄭伯遂以王歸王處于櫟秋王及鄭伯入于鄔 子頹以伐王不克出奔温蘇子奉子頹以奔衛衛師於 王取之王奪子禽祝跪與詹父田而收膳夫之秩故為 舞鄭伯聞之見號叔曰寡人聞之哀樂失時殃咎必至

金ケロトノー

五月鄭属公率王巡號守號公為王宮于拜王與之酒 殺王子顏及五大夫鄭伯享王于闕西辟樂備王與之 于弭夏同伐王城鄭伯將王自圉門入號叔自北門 之盍納王乎號公曰寡人之願也 二十一年春胥命 **今王子顏歌舞不倦樂禍也夫司寇行戮君爲之不舉** 泉鄭伯之享王也王以后之攀鑑予之號公請器王予 武公之畧自虎牢以東原伯曰鄭伯效尤其亦將有咎 而況敢樂禍乎奸王之位禍熟大馬臨禍忘憂憂必及

A Tr. J Co tract Listan

左傳事雜

年春狄滅温蘇子無信也蘇子叛王即狄又不能於狄 伯廖賜齊侯命且請伐衛以其立子顏也 狄人伐之王不叔故滅蘇子奔衞 春齊侯伐衛戰敗衛師數之以王命取縣而還 一野鄭伯由是始惡於王冬王歸自號 顏之寵以作亂所謂多行不義必自及也然則非禮 惠王初立取囿取宫奪田咸不以正故五大夫因子 之舉天子尚不能行之臣下況其他乎子頹樂禍鄭 年王使召 ニナハ年 公僖

金厂口

人 人工

表

3.00 伯知其不終軟復效尤何明于知人而暗于處已也 彼惠王偏私行賞遂沒鄭功內難南平又寵叔帶惠 王之世周室亦多事矣暗主殆不可與言哉 1.1. 左傳事称

				金
左傳				金ヶの四十八人では
左傳事緯卷一				12.
卷				-
		,		寒
	,			
		÷		: